



Broj: 05/01-04-32013-231/24
Sarajevo, 21.11.2024. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu Faruk Selmanović (68) - dostavlja se
Veza: akt Skupštine Kantona Sarajevo broj: 01-04-32093-68/24 od 11.11.2024. godine

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-32093-68/24 od 11.11.2024. godine sa zastupničkom inicijativom zastupnika u Skupštini Kantona Sarajevo Faruka Selmanovića na nadležno postupanje.

Zastupnik u Skupštini Kantona Sarajevo, Faruk Selmanović, je u skladu sa članom 213. stav (1) i 120. stav (2) Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka) u okviru 16. radne sjednice Skupštine Kantona Sarajevo uputio zastupničku inicijativu "da se hitno riješi pitanje grijanja stanovnika Vogošće na način da Skupština Kantona Sarajevo donese sljedeći Zaključak: Obavezuje se Vlada Kantona Sarajevo da odmah bez odlaganja putem resornog ministarstva i Direkcije za robne rezerve Kantona Sarajevo aktivira robne rezerve i izvrši isporuku neophodnih količina mazuta, kao osnovnog energenta za proizvodnju i isporuku toplotne energije, korisnicima na području Općine Vogošća."

Odgovor zastupniku

Zakonom o robnim rezervama Kantona Sarajevo ("Službene novine Kantona Sarajevo", broj: 13/99) uređuje se struktura, formiranje, uskladištenje, obnavljanje, korištenje, finansiranje, upravljanje i druga pitanja vezana za poslovanje robnim rezervama na području Kantona Sarajevo (u daljem tekstu: zakon).

Članom 12. zakona propisano je da se robne rezerve mogu koristiti za:

- obezbjeđenje minimalnih potreba stanovništva u uslovima rata i neposredne ratne opasnosti,
- otklanjanje poremećaja u snabdijevanju prouzrokovanih prirodnim nepogodama i drugim vanrednim prilikama,
- intervencije na tržištu u uslovima poremećaja cijena i snabdjevenosti stanovništva i privrede.

Članom 13. zakona propisano je šta se smatra poremećajem na tržištu i koje mjere intervencije treba preduzeti, a o čemu odlučuje Vlada Kantona na prijedlog direktora Direkcije.



Obzirom na navedeno, inicijativu poštovanog zastupnika dostavljenu u prilogu vašeg akta broj: 01-04-32093-68/24 od 11.11.2024. godine uputili smo Direkciji za robne rezerve Kantona Sarajevo na nadležno postupanje uz molbu da o svom odgovoru na inicijativu izvjesti i ovo Ministarstvo.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo kao resorno ministarstvo, u okviru svog djelokruga rada i ovlaštenja, spremno je pružiti svu potrebnu pomoć u rješavanju problema sa isporukom toplotne energije korisnicima u naselju Vogošća u sezoni grijanja 2024./2025. godine od strane privrednog društva BAGS Energotehnika d.d. Vogošća i do sada je poduzelo niz aktivnosti kako bi se organima upravljanja preduzeća pomoglo u rješavanju problema.

Sporazumom o sufinansiranju nabavke energenta za grejnu sezonu iz budžeta Kantona Sarajevo za 2024. godinu, iz razdjela Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo u skladu sa odredbama Zakona o izvršenju Budžeta Kantona Sarajevo za 2024. godinu i operativnim planom Budžeta Kantona Sarajevo za 2024. godinu planirano je obezbjediti 900.000 KM. Do dana pisanja odgovora obezbjeden je iznos od 400.000 KM koji će se realizovati u skladu sa potpisanim sporazumom. Ostatak sredstava u iznosu od 500.000 KM će se, ukoliko bude moguće, realizirati do kraja godine, a u protivnom planirati u narednoj budžetskoj godini sa namjenom nabavke energenta za potrebe isporuke toplotne energije u naselju Vogošća.

S poštovanjem

PO OVLAŠTENJU MINISTRA


Sekretar Ministarstva
Vildana Smajović

Prilozi: navedeni.

Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja / inicijative - na znanje,
4. Evidencija,
5. Arhiva.





19.11.2024.

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-32093-68/24
Sarajevo, 11.11.2024. godine

-VLADA KANTONA SARAJEVO
N/r premijera

**MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA KANTONA SARAJEVO**

PREDMET: Zastupnička inicijativa, dostavlja se –

Zastupnik Faruk Selmanović u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), u okviru 16. radne sjednice Skupštine Kantona Sarajevo, uputio je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Dženita Džebo *JD*
Kontrolisala: Amela Smailagić-Čamdžić *AS*



**POSJEDAVAJUĆI
SKUPŠTINA KANTONA SARAJEVO**

Okერიć

CO:
- sekretar SKS
- sekretar Vlade

Prilog:
-kao u tekstu

Dostaviti:
-naslovu



Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Heregovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Premijeru Kantona Sarajevo

Vladi Kantona Sarajevo

Ministru komunalne privrede, infrastrukture, prostornog uređenja, građenja i zaštite okoliša

PREDMET: INICIJATIVA

Poštovani,

U skladu sa čl. 213. i 120. stav (2) Poslovnika Skupštine Kantona Sarajevo, pokrećem inicijativu da se **hitno riješi pitanje grijanja stanovnika Vogošće, na način da Skupština Kantona Sarajevo donese sljedeći**

Z A K L J U Č A K

Obavezuje se Vlada Kantona Sarajevo da odmah bez odlaganja putem resornog ministarstva i Direkcije za robne rezerve Kantona Sarajevo aktivira robne rezerve i izvrši isporuku neophodnih količina mazuta, kao osnovnog energenta za proizvodnju i isporuku toplotne energije, korisnicima na području Općine Vogošća.

O b r a z l o ž e n j e

Zakonom o robnim rezervama Kantona Sarajevo je jasno definisan način i postupak aktiviranja robnih rezervi, u konkretnom slučaju zbog vanrednih prilika i poremećaja tržišta. U gore pomenutom zakonu, terminološki je naveden pojam „vanredne prilike i poremećaj cijena na tržištu“.

Zbog konstatnog pada dnevnih temperatura, na dnevnom i noćnom nivou, podsjećam Vladu Kantona Sarajevo, da je povećan broj pacijenata svih životnih dobi u Domu Zdravlja Vogošća i drugim zdravstvenim ustanovama zbog neisporuke toplotne energije.

Ovakvo postupanje može i kreće se ka tome da se direktno ugrožava zdravlje stanovništva što direktno prevazilazi ne samo vanredne prilike već i domen krivično pravne odgovornosti vlasnika, proizvođača i isporučioaca toplotne energije.

Poremećaj na tržištu je više nego prisutan, što je lako provjerljivo i putem nadlenog federalnog ministarstva trgovine, gdje se na bazi svakog mjeseca povećavaju ne samo cijene već i raste index inflacije, koji indirektno utiče na cijene.

Takođe bi Vlada trebala znati da je zbog nesreće na području Konjica i Jablanice, došlo do prekida željezničke infrastrukture, kao glavnog i najjeftinijeg načina dopreme naftnih dervata iz Luke Ploče. Podatak je lako provjerljiv, da je prekid komunikacije uticao na povećanje troškova transporta iz Luke Ploče naftnih derivata, a što je uticalo i na cijene istih.

Na kraju, podsjećam Vladu Kanton Sarajevo, da pažljivo izvrši pregled u kojim sve situacijama je ista aktivirala robne rezerve, u daleko lakšim i blažim situacijama, a što je lako provjerljivo.

S poštovanjem,

Sarajevo, 08.11.2024. godine

Faruk Selmanović, Zastupnik u Skupštini Kantona